



Civilna podrška vojnim operacijama i odgovoru na vanredne situacije

Planiranje i provođenje savremenih vojnih operacija i odgovora na katastrofe ili humanitarne krize su kompleksni procesi. U pripremi operacija, vojni planeri i komandanti često se oslanjaju na stručnu pomoć i sposobnosti civilnog sektora. Bliska saradnja i interoperabilnost između vojnih i civilnih faktora od vitalnog je značaja, a NATO igra važnu ulogu u omogućavanju te saradnje. Mnoge partnerske zemlje aktivno učestvuju u ovim aktivnostima.

Potreba za civilnom dimenzijom podrške NATO vojnim tijelima prepoznata je već u ranoj fazi razvoja NATO-a. U Izvještaju trojice mudraca o nevojnoj saradnji iz 1956.g., navodi se da je „danас sigurnost puno više od vojnog pitanja“. Nakon okončanja Hladnog rata, rastući značaj civilnih resursa u odgovoru na izazove sigurnosnog okruženja prepoznat je u strateškim konceptima iz 1991.g i 1999.g.

Na Samitu NATO-a u Rigi, u novembru 2006.g., savezničke vođe naglasile su da sigurnosni izazovi zahtijevaju sveobuhvatan pristup koji uključuje široki spektar civilnih i vojnih instrumenata. Ovaj stav našao je svoje mjesto i u Sveobuhvatnim političkim smjernicama usvojenim u Rigi kojima su uspostavljeni okvir i prioriteti savezničkih sposobnosti, planiranja i obavještajnog rada za period od sljedećih 10 do 15 godina.

NATO po potrebi ima na raspolaganju čitav niz civilnih instrumenata i sposobnosti za podršku vojnim tijelima. Oni obuhvataju specijalizirane odbore, mreže stručnjaka, operativni centar i elemente Međunarodnog sekretarijata. Civilni i vojni resursi Saveza međusobno se nadopunjaju i prilagođavaju za postizanje željenih ciljeva.

Sadržaj:

- Pomoć civilnih stručnjaka 2
- NATO civilne sposobnosti i instrumenti 3
- Ključni događaji 7



Tjesna civilno-vojna saradnja je od ključnog značaja u složenom sigurnosnom okruženju današnjice

„Interakcija između Savezničkih snaga i civilnog sektora (vladinog i nevladinog) od ključnog je značaja za uspjeh operacija. Civilno-vojna saradnja je međuvisna: sve češće se traže vojni resursi za pomoć civilnim vlastima, a, istovremeno, civilna podrška vojnim operacijama je važna zbog logistike, komunikacija, sanitetske podrške i odnosa s javnošću. Prema tome, saradnja između savezničkih vojnih i civilnih tijela i dalje će biti od vitalnog značaja.“.

(NATO Strateški koncept, član 60 – april 1999.g.)

Koordinacija civilno-vojnog planiranja postaje naročito važna u kontekstu NATO vojne podrške stabilizaciji i rekonstrukciji u zonama operacija u Afganistanu. Ona se, međutim, i prije uspješno primjenjivala, na primjer u odgovoru na izbjegličku krizu na Kosovu krajem 1990-tih, zatim u odgovoru na različite prirodne katastrofe u euroatlantskom području, kao i nakon razornog zemljotresa u Pakistanu 2005.godine.

Pomoć civilnih stručnjaka

Civilna podrška vojnim aktivnostima realizira se kroz savjetovanje u različitim civilnim oblastima. Savjeti i podrška pružaju se na zahtjev. Drugim riječima, ako smatraju da im je potrebna, NATO vojna tijela moraju takvu pomoć zatražiti.

Vojna tijela uvijek mogu koristiti civilne kapacitete kako bi dobila savjet o tehničkim pitanjima i u mirnodopskim uvjetima (pripremljenost), i u fazama planiranja operacije i izvođenja operacija. Naprimjer, stručnjaci za transport analiziraju civilne ili komercijalne mogućnosti zračnog ili pomorskog transporta i rezultate tih analiza ustupaju vojnim planerima. Na taj način pomažu oružanim snagama da odrede koja su raspoloživa transportna rješenja najekonomičnija za vojne operacije. Civilni planeri za vanredna stanja pomažu vojnim tijelima da primijene civilna rješenja i efikasno koriste civilne resurse u operacijama.

Civilni stručnjaci mogu se, također, pridružiti vojnim timovima na lokaciji kako bi na licu mjesta izvršili procjenu i analizu. Pored toga, za vrijeme održavanja velikih međunarodnih manifestacija, kakav je bio NATO samit u Rigi, u novembru 2006.g., ili Olimpijske igre u Grčkoj, 2004.g., civilni stručnjaci pružaju pomoć vojnim snagama u zaštiti od mogućih napada korištenjem hemijskih, bioloških, radioloških ili nuklearnih agensa.

Podrška stabilizaciji i rekonstrukciji

Potreba za pružanjem civilne stručne pomoći u budućnosti vjerovatno će biti još izraženija u kontekstu savjetovanja vojnih tijela o tome kako podržati aktivnosti stabilizacije i rekonstrukcije, u koordinaciji sa zemljom domaćinom. Ovo može obuhvatiti i savjetovanje o pitanjima kao što su obnova lokalne industrije, pokretanje poljoprivredne proizvodnje i rekonstrukcija zdravstvene i komunikacijske infrastrukture civilnog društva.

Bliska civilno-vojna koordinacija između aktera na terenu važan je element svih tekućih NATO operacija. Regionalni timovi za rekonstrukciju uspostavljeni širom Afganistana dobar su primjer ove koordinacije. Ovi mali timovi, sastavljeni od civilnog i vojnog osoblja, rade na jačanju vlasti centralne afganistske vlade u regijama, kao i na pružanju pomoći lokalnim vlastima u oblasti sigurnosti i rekonstrukcije.

Od Samita u Rigi, 2006.g., poduzimaju se koraci ka povećanju sposobnosti NATO snaga da pruže podršku stabilizaciji i rekonstrukciji u svim fazama krizne situacije. Primarnu odgovornost za stabilizaciju i rekonstrukciju obično snose drugi akteri, kao što su lokalne, međunarodne i nevladine organizacije. Međutim, faktor nesigurnosti

može te aktere sprječiti u izvršenju njihovih zadataka.

U takvim situacijama, po okončanju sukoba, vojne snage mogu biti pozvane da započnu sa ranom fazom rekonstrukcije ili da pruže podršku ostalim organizacijama u prelaznom periodu. Kroz proces NATO planiranja za slučaj civilnih vanrednih situacija, vojni planeri mogu se osloniti na civilnu stručnu pomoć u oblastima kao što su ključna infrastruktura, transport, hrana, voda, poljoprivreda, komunikacije, zdravstvo i industrija.

NATO civilne sposobnosti i instrumenti

NATO aktivnosti planiranja za slučaj civilnih vanrednih situacija provode se prema općim smjernicama Više komisija za planiranje za slučaj civilnih vanrednih situacija (SCEPC - *Senior Civil Emergency Planning Committee*). Aktivnosti obuhvataju konkretnе oblasti u kojima civilna podrška može biti potrebna vojnim tijelima NATO-a u kontekstu kolektivnih odbrambenih operacija (prema članu 5 Vašingtonskog sporazuma), operacija koje se ne zasnivaju na članu 5, ili operacija odgovora na krizne situacije koje obuhvataju vojne operacije i operacije pružanja humanitarne i druge pomoći nakon katastrofa. Po potrebi, ova pomoć se ostvaruje korištenjem cijelog spektra različitih civilnih sposobnosti i instrumenata.

Osam komisija i odbora za planiranje okuplja predstavnike zemalja iz različitih oblasti civilnog sektora. Oni mogu koristiti i stručna znanja koja nudi mreža od 350 civilnih stručnjaka u zemljama članicama NATO-a i partnerskim zemljama širom euroatlantskog područja. Pored toga, Odsjek za planiranje za slučaj civilnih vanrednih situacija Odjela za operacije u Sjedištu NATO-a svakodnevno osigurava savjete i podršku, a može poslužiti i kao početni kapacitet za odgovor na kriznu situaciju.

NATO ima dva ključna instrumenta za realizaciju civilne podrške vojnim operacijama i pomoći toj realizaciji, a to su: Katalog civilnih sposobnosti i Koncept tima za brzo djelovanje.

U oblasti odgovora na katastrofe, ključni operativni instrument je Euroatlanski centar za koordinaciju odgovora na katastrofe (EADRCC-*Euro-Atlantic Disaster Response Coordination Center*). On koordinira odgovor NATO zemalja i zemalja partnera na prirodne katastrofe i katastrofe uzrokovane ljudskim faktorom u euroatlantskom području. U radu EADRCC-a učestvuju sve članice NATO-a i partnerske zemlje, ukupno njih 49.

Odgovor na katastrofe nije jedina oblast u koju su uključene partnerske zemlje. Zapravo, većina aktivnosti planiranja za slučaj civilnih vanrednih situacija provodi se sa zemljama partnerima NATO-a, a saradnja s partnerskim zemljama smatra se integralnim dijelom rada u ovoj oblasti. Partnerske zemlje imaju svoje predstavnike u Višoj komisiji za planiranje za slučaj civilnih vanrednih situacija i u drugim komisijama i odborima za planiranje. Mnoge partnerske zemlje aktivno učestvuju, dajući svoj doprinos kroz pružanje civilne podrške vojnim tijelima i stručnog znanja za potrebe Saveza.

Aktivnosti NATO-a koordiniraju se sa drugim međunarodnim organizacijama, kao što su Ujedinjeni narodi, naročito Ured UN-a za koordinaciju humanitarne pomoći (UN-OCHA), i Evropska unija.

„Vojni planeri mogu se osloniti na civilne stručnjake u oblastima kao što su ključna infrastruktura, transport, hrana, voda, poljoprivreda, komunikacije, zdravstvo i industrija.“



Koordinacija sa drugim međunarodnim organizacijama je od ključnog značaja. EADRCC organizira međunarodne vježbe u cilju uvježbavanja i unapređenja mehanizama za koordinaciju između međunarodnih aktera.

„Grupa od 350 civilnih stručnjaka širom euroatlantskog područja odabire se iz specifičnih oblasti u kojima je vojnim tijelima najčešće potrebna podrška.“



Civilni i vojni resursi mogu se prilagoditi postizanju željenih ciljeva.

Jedan od najvažnijih aspekata saradnje je informiranje o aktivnostima različitih aktera uključenih u pružanje pomoći nakon katastrofe. Saradnja sa drugim međunarodnim organizacijama zato ima visoki prioritet za NATO. Svake godine organizira se velika međunarodna vježba sa ciljem unapređenja saradnje sa drugim međunarodnim organizacijama, kao što su Međunarodni komitet Crvenog križa, Međunarodna agencija za atomsku energiju, Ured za zabranu hemijskog naoružanja i Svjetska zdravstvena organizacija.

Komisije i odbori za planiranje

Djelujući u okviru Više komisije za planiranje za slučaj civilnih vanrednih situacija, odbori i komisije za planiranje su zapravo instrument za pružanje civilne pomoći vojnim operacijama. Obuhvataju posebne stručne oblasti, kao što su transport, komunikacije, civilna zaštita, industrijsko planiranje i snabdijevanje, zdravstvo, prehrana i poljoprivreda. Na zahtjev vojnih planera, kao podršku vojnim operacijama, komisije i odbori za planiranje mogu izraditi studije za posebne oblasti. Naprimjer, Odbor za planiranje za kopneni transport izradio je Studiju o željezničkoj mreži u Afganistanu.

Mreža civilnih stručnjaka

Grupa od 350 civilnih stručnjaka širom euroatlantskog područja odabire se na osnovu specifičnih oblasti u kojima je najčešće potrebna pomoć vojnim tijelima. One obuhvataju civilne aspekte NATO planiranja i operacija, uključujući upravljanje kriznim situacijama, upravljanje posljedicama i ključnu infrastrukturu. Stručnjake iz vladinog sektora ili industrije daju države. Ovi stručnjaci u službi ostaju tri godine i učestvuju u obuci i odgovoru na zahtjeve za pomoć u skladu sa specifičnim procedurama, poznatim pod nazivom Sporazum za upravljanje kriznim situacijama u okviru planiranja za slučaj civilnih vanrednih situacija. Odbori i komisije za planiranje odgovorni su za vođenje i obnavljanje ove mreže stručnjaka.

Katalog civilnih sposobnosti

Katalog civilnih sposobnosti je lista od 13 oblasti koju čine civilni resursi i stručnjaci na koje se NATO vojna tijela mogu osloniti („reachback capability“). U operacijama odgovora na krizne situacije, ove sposobnosti je, preko lanca komandovanja, moguće koristiti od nivoa komandanta u zoni operacija, pa sve do najvišeg strateškog nivoa.

Ovakav sistem omogućava svakom vojnom nivou da, kada je potrebna informacija ili savjet o civilnim pitanjima, uputi zahtjev za pružanje stručne civilne pomoći na brz i jednostavan način. Stručnjak se može nalaziti u Sjedištu NATO-a, ministarstvu jedne od država ili u komercijalnoj firmi. Ove sposobnosti se koriste u stvarnim situacijama, kao što je Afganistan, i često se provjeravaju na vježbama. Može im se pristupiti putem različitih komunikacijskih mreža, kao što su telefon i video-link.



U kontekstu sigurnosnog okruženja kakvo je nastalo nakon

11. septembra, značaj zaštite ključne infrastrukture, kao što su postrojenja za proizvodnju energije, u središtu je pažnje.

“REACHBACK”

NATO planiranje za slučaj civilnih vanrednih situacija pruža stručnu podršku vojnim tijelima u realnom vremenu, a u obliku savjeta i podrške u sljedećim oblastima civilnog života:

- transport (zračni, pomorski, kopneni),
- hemijska, biološka, radiološka i nuklearna oružja za masovno uništenje,
- zdravstvo,
- ključna infrastruktura,
- civilne komunikacije,
- prehrana i poljoprivreda,
- odgovor na civilne katastrofe,
- industrijska pripravnost.

Raspoložive civilne sposobnosti:

- *pokret stanovništva*: pružanje sanitetske ili druge podrške,
- *masovna evakuacija*: pružanje sanitetske ili druge podrške,
- *operacije u zračnim ili pomorskim lukama za iskrcavanje*: savjetovanje o civilnim/komercijalnim aspektima,
- *sredstva komercijalnog transporta*: savjetovanje u vezi zakupljanja i leasinga,
- *incidenti koji uključuju hemijske, biološke, radiološke ili nuklearne agense*: otkrivanje, praćenje i obuzdavanje,
- *incidenti koji uključuju oružje za masovno uništenje*: analiza i ublažavanje posljedica po civilno stanovništvo,
- *hemijski proizvodi*: identifikacija i procjena moguće opasnosti, mjere predostrožnosti za rukovanje,
- *prirodno izazvane epidemije*: analiza mogućih efekata na NATO operacije,
- *ključna infrastruktura*: savjetovanje o zaštiti, određivanju prioriteta i ponovnoj uspostavi infrastrukturnih sektora i mreža,
- *proširenje civilnih kapaciteta*: procjena sa ciljem zadovoljavanja vojnih potreba u operacijama odgovora na krizne situacije,
- *komunikacije*: upotreba/ograničenja radio komunikacije, emitiranja i sistema uzbunjivanja javnosti.



Stručnjaci za komercijalni transport pružaju podršku protuterorističkoj operaciji NATO-a, na Mediteranu pod nazivom Active Endeavour.



Stručna zdravstvena pomoć je jedna od ključnih oblasti u kojoj vojna tijela mogu zatražiti savjet i podršku kroz „reachback“ program.



Civilni poljoprivredni stručnjaci pružaju savjete vojnim tijelima o uticaju pesticida na vojne snage na terenu.

Koncept tima za brzo djelovanje

Početkom 2006.g., Viša komisija za planiranje za slučaj civilnih vanrednih situacija odobrila je instrument za brzu procjenu civilnih potreba i kapaciteta za podršku NATO operacijama i drugim vanrednim situacijama, s mogućnošću razmještanja u zoni operacija. Koncept tima za brzo djelovanje nadopunjuje Katalog civilnih sposobnosti i omogućava NATO vojnim tijelima da odgovore na zahtjev oružanih snaga i „pozovu“ stručnjake. Namijenjen prevazilaženju nedostataka koje su prepoznala NATO vojna tijela, tim za brzo djelovanje može biti razmješten u roku od 24 sata po odobrenju zahtjeva za savjet.

Takvi timovi, koje čine civilni stručnjaci iz odbora i komisija za planiranje, mogu biti upućeni na teren kako bi izvršili procjenu civilnih potreba u različitim funkcionalnim oblastima, kao što su transport, komunikacije, civilna zaštita, industrijsko planiranje i snabdijevanje, zdravstvo, prehrana i poljoprivreda. Kroz podršku na terenu u obliku tima stručnjaka sastavljenog prema potrebama vojnog tijela koje je zatražilo podršku, koncept tima za brzo djelovanje podiže Katalog civilnih sposobnosti na viši nivo.

NATO osoblje za planiranje za slučaj civilnih vanrednih situacija

NATO osoblje angažirano na planiranju za slučaj civilnih vanrednih situacija pruža savjete i podršku strateškim i operativnim nivoima kako bi se osiguralo da detaljni planovi uzmu u obzir i civilne sposobnosti. Oni su glavna veza između NATO vojnih aktera, NATO komisija, državnih civilnih agencija i mreže civilnih stručnjaka. Također, služe i kao početni kapacitet za odgovor na kriznu situaciju tako što, u skladu sa Sporazumom o upravljanju u kriznim situacijama u kontekstu planiranja za civilne vanredne situacije, formiraju element za upravljanje kriznom situacijom.

Osoblje za planiranje za slučaj civilnih vanrednih situacija aktivno učestvuje u planiranju vojnih vježbi koje za cilj imaju provjeru upotrebe civilnih elemenata u pružanju podrške vojnim operacijama. Tako je bilo i u vježbi *Steadfast Jaw 2007*, u okviru koje su vojne snage civilnim stručnjacima podnijele nekoliko zahtjeva za pružanje podrške. Osoblje redovno održava kurseve za štabne oficire u NATO školi u Oberammergau, u Njemačkoj, i na NATO odborbenom koledžu u Rimu, u Italiji, o pitanjima planiranja za slučaj civilnih vanrednih situacija koja su od interesa za tekuće NATO vojne operacije.

Euroatlanski centar za koordinaciju odgovora na katastrofe

Formiran u junu 1998.g., Euroatlanski centar za koordinaciju odgovora na katastrofe (EADRCC) je operativni element za koordinaciju odgovora NATO-a i partnerskih zemalja na prirodne i katastrofe uzrokovane ljudskim faktorom u euroatlantskom području. Također, od 2001.godine, EADRCC ima ulogu u koordinaciji odgovora i upravljanju posljedicama nakon potencijalnih terorističkih napada koji uključuju upotrebu nuklearnih, bioloških, hemijskih ili radioloških (NBHR) agensa.

Osim toga, Centar djeluje i kao središnje mjesto za razmjenu informacija o pomoći u katastrofama između zemalja članica EAPC-a. Dio operativne uloge EADRCC-a je planiranje i organizacija velikih međunarodnih terenskih vježbi radi uvježbavanja odgovora u simuliranim prirodnim i drugim katastrofama i upravljanja posljedicama.

EADRCC je uspostavio i upravlja Evidencijom državnih sposobnosti za upotrebu u NBHR incidentima, koja omogućava brz pristup ključnim informacijama. Evidencija sadrži informacije o sposobnostima (civilnim i vojnim) koje NATO i partnerske zemlje mogu staviti na raspolaganje državnim vlastima kao koordiniran doprinos radi zaštite civilnog stanovništva u slučaju NBHR incidenta (sanitetska pomoć, jedinice za otkrivanje radioloških agensa, zračna/sanitetska evakuacija). EADRCC je, naprimjer, uključen u planiranje operativne vojne podrške velikim javnim događajima, kao što su NATO samiti.

Od osnivanja, EADRCC je koordinirao pružanje pomoći NATO-a i partnerskih zemalja u preko 30 operacija širom svijeta, od izbjegličkih kriza do šumskih požara. Centar je potvrđio svoju fleksibilnost, prilagodljivost i sposobnost izvođenja različitih humanitarnih zadataka. Svaki odgovor na kompleksnu vanrednu situaciju zahtijeva i civilno i



Civilni stručnjaci za komunikacije spremni su odgovoriti na zahtjeve vojnog planera NATO-a u oblastima kao što su elektronske komunikacije, upotreba radio uređaja, emitiranja i sistema uzbunjivanja javnosti.



EADRCC vodi evidenciju državnih sposobnosti (vojnih i civilnih) za zaštitu civilnog stanovništva u slučaju NBHR incidenta.

vojno djelovanje. EADRCC je efektivni dio neophodne civilno-vojne koordinacije. Naprimjer, u NATO operacijama pružanja pomoći nakon uragana Katrina i zemljotresa u Pakistanu, vojni oficiri za vezu i civilni stručnjaci zajedno su okupljeni u EADRCC-u kako bi omogućili usklađenu civilno-vojnu podršku odgovoru na katastrofu.

Mandat Centra mu omogućava i da odgovori, na osnovu sporazuma zemalja članica Saveza, na zahtjeve za pružanje pomoći koje uputi vlada Afganistana u slučaju prirodnih katastrofa. Razumljivo je da EADRCC treba biti sposoban odgovoriti na zahtjeve za pomoći u katastrofama u području u kojem je NATO vojno angažiran. Međutim, odgovornost za odgovor, kao i ranije, leži na zemlji koja je pogodjena katastrofom. Ovo znači da bi svaka pomoć koju pruži vojni komandant NATO-a ili EADRCC bila zapravo podrška državnim tijelima i/ili Ujedinjenim narodima.

PRIMJERI CIVILNE PODRŠKE VOJNIM OPERACIJAMA

Međunarodne snage za pomoći u uspostavi sigurnosti u Afganistanu: civilni stručnjaci pružali su savjete komandantima u zoni operacija u Afganistanu o komercijalno dostupnim otrovnim hemikalijama, što je omogućilo komandantima da donesu operativne odluke o rukovanju ovakvim supstancama – primjer korištenja civilnih „reachback“ kapaciteta.

Operacije podrške zemljama Saveza u ranim fazama Drugog iračkog rata: civilni stručnjaci za transport analizirali su mogućnosti tržišta i savjetovali o načinu transporta vojne opreme u interesnu zonu na brz i ekonomičan način.

Vojne aktivnosti nakon 11. septembra: U okviru pomorske protuterorističke operacije NATO-a, *Active Endeavor*, civilni stručnjaci za prekoceanski transport savjetovali su pomorske snage saveznika o komercijalnim standardima i međunarodnom pravu u kontekstu pretresa brodova i praćenja komercijalnih transporta.

Vojne vježbe: Za vrijeme održavanja vježbe *Steadfast Jaguar* održane u Cape Verdeu 2006.g., civilni stručnjaci za kopneni transport i stručnjaci za prekoceanski transport pružali su savjete o pogodnosti lučkih objekata i trajekta za međunarodnu upotrebu. Također, civilni stručnjak za djelovanje u slučaju katastrofa pružao je pomoći vojnim i lokalnim zvaničnicima u zoni operacija u vezi različitih aspekata eventualne evakuacije stanovništva u slučaju erupcije vulkana.

Ključni događaji

1950.

- Uspostavljen Odbor za planiranje prekoceanskog transporta, prvi od odbora i komisija za planiranje, za pružanje smjernica Sjevernoatlantskom vijeću o mogućnostima transporta za vojne i civilne potrebe u slučaju rata ili kriznih situacija.

1953.

- Odobrena Politika NATO-a o saradnji u pružanju pomoći u katastrofama u mirnodopskom periodu.

1955.

- Uspostavljena Viša komisija za planiranje za slučaj civilnih vanrednih situacija.

1956.

- Izveštaj trojice mudraca naglasio da je pitanje sigurnosti puno više od isključivo vojnog pitanja.

1972.

- Uspostavljeno osam NATO civilnih ratnih agencija kako bi se omogućilo da civilni stručnjaci pružaju savjete Savezu o glavnim resursima i međunarodnim izbjegličkim krizama u slučaju rata.

1991.

- Novi Strateški koncept vodi ka fundamentalnoj reviziji ciljeva i principa planiranja aktivnosti i procedura za slučaj civilnih vanrednih situacija.

1993.

- Procedure za koordinaciju pomoći u katastrofama revidirane kako bi omogućile pomoći izvan zone odgovornosti NATO-a, na zahtjev neke međunarodne organizacije, i olakšale saradnju i pružanje pomoći partnerskim zemljama.



Vojni oficiri za vezu i civilni stručnjaci okupljeni su u EADRCC-u kako bi osigurali usklađeno civilno-vojno djelovanje nakon zemljotresa u Pakistanu.

Ključni događaji (*nastavak*)

1998.

- Na osnovama prijedloga Rusije, osnovan Euroatlanski centar za koordinaciju odgovora na katastrofe (EADRCC).
- Zajedno sa Uredom UN-a za koordinaciju humanitarnih poslova, EADRCC pomaže u koordinaciji ponuda za pomoći raznih zemalja za sanaciju teških poplava u Ukrajini.

1998.

- U Grčkoj održan prvi seminar za planiranje za slučaj civilnih vanrednih situacija na kojem su učestvovali zemlje Mediteranskog dijaloga.

1999.

- Na zahtjev Visokog komesara UN za izbjeglice, EADRCC koordinira strateški zračni most za dostavu pomoći Albaniji nakon priliva izbjeglica sa Kosova.
- EADRCC odgovorio na zahtjev Turske za pružanje pomoći nakon razornog zemljotresa.

2000.

- Aktivnosti planiranja za slučaj civilnih vanrednih situacija revidirane u skladu sa Strateškim konceptom iz 1999.g. i obuhvataju podršku NATO operacijama kolektivne odbrane i odgovora na krizne situacije.

2004.

- EADRCC pružio podršku vlastima Grčke za vrijeme Olimpijskih igara u Atini.

2005.

- EADRCC koordinirao pružanje pomoći nakon uragana Katrina u SAD-u i razornog zemljotresa u Pakistanu.
- Stručnjaci za civilnu avijaciju pružili stručne savjete u vezi komercijalnog zračnog mosta za NATO operacije odgovora na katastrofu u Pakistanu.

2006.

- Stručnjaci za civilnu zaštitu savjetuju komandante u zoni operacija u Afganistanu o toksičnim hemikalijama.

2006.

- Na samitu u Rigi usvojena inicijativa za unapređenje sposobnosti NATO snaga da pruže vojnu podršku aktivnostima stabilizacije i rekonstrukcije u svim fazama krizne situacije.